



## Rekonstruisan Vrtić “Bulbuli” na Bistriku

Poslije više od 25 godina od njegovog razaranja tokom agresije na ovaj grad, 02.maja svečano je otvoren rekonstruisani vrtić “Bulbuli” na Bistriku. Općina Stari Grad upriličila je otvaranje vrtića na jedan od najznačajnijih datuma u historiji ove lokalne zajednice, 02. maj, Dan Općine...



VIŠE NA  
LINKU



## Dan Općine Stari Grad Sarajevo

Povodom Dana Općine Stari Grad, 02. maja, učenjem Fatihe i polaganjem cvijeća odata počast utemeljitelju Sarajeva Isa-begu Ishakoviću...



VIŠE NA  
LINKU



## Ukupno 346 učenika i studenata su ovo- godišnji stipendisti Općine Stari Grad

Općina Stari Grad potpisala je ugovor sa ukupno 346 stipendista...



VIŠE NA  
LINKU



## Novi kanali komunikacije u Općini Stari Grad

Općina Stari Grad je, putem Službe za odnose s javnošću i informacioni sistem, pokrenula nove komunikacijske kanale...



VIŠE NA  
LINKU





# Rekonstruisan Vrtić “Bulbuli” na Bistriku

Poslije više od 25 godina od njegovog razaranja tokom agresije na ovaj grad, 02.maja svečano je otvoren rekonstruisani vrtić “Bulbuli” na Bistriku. Općina Stari Grad upriličila je otvaranje vrtića na jedan od najznačajnijih datuma u historiji ove lokalne zajednice, 02. maj, Dan Općine. Riječ je o zajedničkom projektu Općine Stari Grad i Ministarstva za odgoj i obrazovanje KS vrijednom skoro million konvertibilnih maraka. Zahvaljujući novom, potpuno opremljenom vrtiću, od septembra će JU”Djeca Sarajeva” moći primiti još 80 polaznika vrtića.

Svečanu vrpcu presijekli su općinski načelnik mr Ibrahim Hadžibajrić i ministrica za odgoj i obrazovanje KS Naida Hota-Muminović, a prid-

ružila im se i gradonačelnica Sarajeva Benjamina Karić i dopredsjedavajući OV Stari Grad Malik Garibija u čijem je mandatu ministra za socijalni rad KS ovaj projekat dogovoren.

Rekonstrukcija Vrtića “Bulbuli” počela je u augustu prošle godine. U potpunosti je obnovljen objekat ukupne površine skoro 400m<sup>2</sup>, a izvedeni su svi građevinski radovi u unutrašnjosti, na krovnoj konstrukciji, montiran solarni sistem, uvedeno podno grijanje, postavljene nove elektroinstalacije i hidroizolacija, novo dječije igralište. Obnova Vrtića “Bulbuli” trajala je osam mjeseci, a JU”Djeca Sarajeva” ima u planu raspisivanje javnog konkursa za nove polaznike koji bi u vrtić trebali krenuti već od septembra.



Općinski načelnik  
mr Ibrahim Hadžibajrić



Još davne 2015. godine smo dolazili ovdje i tada sam obećao da ćemo krenuti u rekonstrukciju. Radi se o velikoj investiciji, tako da smo morali sačekati da se uključi i Kanton Sarajevo. Objekat je bio toliko devastiran da je možda lakše bilo srušiti ga i napraviti novi. Ipak, mi smo krenuli u ovaj veliki poduhvat i renovirali sve od podruma do krovne konstrukcije. Sve je sanirano, učvršćena konstrukcija, opremljeno i sada imamo jedan predivan objekat, sigurno među najljepšim obdaništima u Kantonu Sarajevo.



Ministrica za odgoj i  
obrazovanje KS Naida  
Hota – Muminović



Zadovoljstvo nam je biti dio ovog projekta. Nastojat ćemo nastaviti ovim putem i širiti kapacitete JU Djeca Sarajevo. Imati ovako dobar start znači da će ovi mališani postizati mnogo. Odrastati u lijepom, čistom i funkcionalnom ambijentu beskrajno je važno.



POGLEDAJTE VIDEO PRILOG  
KLIKOM NA IKONICU



## Dan Općine Stari Grad Sarajevo

Prigodnim događajima obilježen je i ove godine jedan od najznačajnijih događaja u historiji naše općine, 02.maj – Dan Općine Stari Grad. Tog dana je učenjem Fatihe i polaganjem cvijeća odata počast utemeljitelju Sarajeva Isa-begu Ishakoviću, najvećem vakifu grada Gazi Husrev-begu, najboljim sinovima koji leže na Šehidskom mezarju Kovači

i rahmetli predsjedniku R BiH Aliji Izetbegoviću. Delegaciju Općine Stari Grad predvodili su općinski načelnik mr Ibrahim Hadžibajrić i predsjedavajući Općinskog vijeća dr.sc Mirza Batalović, a činili su je pomoćnici općinskog načelnika, zamjenici predsjedavajućeg Općinskog vijeća i šefovi Klubova stranaka koje djeluju u Općinskom vijeću.



Općinski načelnik  
mr Ibrahim Hadžibajrić



Općina Stari Grad je sigurno iznijela teret odbrane grada Sarajeva, a samim tim i države BiH. Malo ko zna da je u Općini Stari Grad funkcionisalo puno rukovodstvo tokom agresije, što nije bio slučaj u općinama Centar i Novo Sarajevo, Novi Grad djelimično, a Ilidža, Vogošća, Ilijaš, Hadžići i Trnovo su bili okupirani. Jedina općina koja je tada radila u punom kapacitetu je Stari Grad. U posljednjih 12-13 godina uložili smo više od 120 miliona maraka u obnovu i razvoj naše općine, mahom vlastitih sredstava, i mi ćemo nastaviti graditi i razvijati Stari Grad i u budućnosti.



Hafiz Sadrudin ef. Išerić,  
imam Careve džamije



Ono što ja posebno cijenim i poštujem kod rukovodstva Općine Stari Grad jeste da je to jedina institucija u gradu Sarajevu, ponavljam jedina institucija, koja oficijalno dolazi na mezar Isa bega Ishakovića i time odaje počast i priznanje njemu koji je utemeljio ovaj naš šehar Sarajevo.



## Karate kup

### „Baščaršija Sarajevo 2021“

Povodom Dana Općine Stari Grad, održan je i Karate kup „Baščaršija Sarajevo 2021“, kojeg je svečano otvorio općinski načelnik mr Ibrahim Hadžibajrić. Takmičenje je organizovao Karate klub „Baščaršija“ i to u novosagrađenoj Sportskoj dvorani OŠ „Edhem Mulabdić“ na Bistriku. U takmičenju je učestvovalo oko 200 takmičara kadeta, juniora i seniora iz Bosne i Hercegovine i cijele regije.



## Ne možeš da ne voliš Stari Grad – video povodom Dana Općine

“Ne možeš da ne voliš Stari Grad” je video o tome kako se voli svoja općina, svaka njena ulica, čikma, kaldrma. Video je poruka ljubavi i poštovanja svih onih koji su se u njemu rodili i onima koji su naučili da ga vole, a napravljen je i u čast hrabrim sinovima koji su dali živote za Stari Grad i slobodu.



POGLEDAJTE VIDEO PRILOG  
KLIKOM NA IKONICU



# Ukupno 346 učenika i studenata stipendisti Općine Stari Grad

Odlukom načelnika Hadžibajrića, Općina Stari Grad u školskoj/akademskoj 2020/21. godini stipendira ukupno 346 učenika i studenata. Stipendije su osigurane za djecu šehida i poginulih boraca, RVI i demobilisanih boraca, te nadarene učenike i studente i one koji izučavaju deficitarne zanate, a iznos koji se za te namjene izdvaja iz budžeta je 312.000 KM.

Među stipendistima su i Amer i Amar Milaimi, braća blizanci iz Starog Grada, studenti šeste godine Medicinskog fakulteta Univerziteta u Sarajevu sa prosjekom ocjena 9,7. Već deset godina on i brat imaju podršku svoje lokalne zajednice, Općine Stari Grad, kroz

stipendije koje su dobijali kao nadareni učenici, a kasnije i studenti. Osim studija, trenutno i volontiraju u Domu zdravlja Stari Grad. Mjesečni iznos stipendija za srednjoškolce je 80 KM, a za studente 120 KM i stipendistima će biti isplaćene za period od devet mjeseci. Početkom ove godine potpisani su ugovori i sa učenicima koji su se odlučili za deficitarna zanimanja kao što su: keramičar, podopolagač, tapetar, mesar itd. Ovi učenici dobili su stipendije za školsku 2020/21. godinu kako bi im se pomoglo u školovanju, ali istovremeno podstaklo i druge mlade ljude da se bave zanatima, posebno starim, tradicionalnim.



Općinski načelnik  
mr Ibrahim Hadžibajrić



Stipendije za naše učenike i studente ne smiju biti upitne, kao što nije upitna ni podrška građanima kojima je potrebna naša pomoć. Sve drugo što finansiramo iz općinskog budžeta stavljamo u drugi plan, jer prioriteti su se promijenili.



Amer Milaimi



Bratu i meni puno znači ova stipendija. Ovo je bio značajan podstrek za nas tokom prethodnih godina i jedna dodatna motivacija za radom i učenjem. Prethodnih godina smo se zaista trudili i davali sve od sebe da budemo što bolji studenti, jer naša struka je veoma specifična i jednog dana mi ćemo biti ti koji će liječiti ljude. Stipendija je definitivno jedan veliki podstrek i zahvaljujem se Općini Stari Grad na podršci koju nam pruža.



POGLEDAJTE VIDEO PRILOG  
KLIKOM NA IKONICU

# Nove tehnologije u službi građana/ki Općine Stari Grad Sarajevo



**Općina Stari Grad**

Ponedjeljak | 26.4.2021. | 12h

*Vi pitajte,  
načelnik  
odgovara!*

Ibrahim Hadžibajrić,  
načelnik Općine  
Stari Grad

Pratite nas na:



## Nova komunikacijska platforma „Javna rasprava Lokal“

Potpisivanjem memoranduma o saradnji između Općine Stari Grad i Udruženja građana Zašto ne, ozvaničena je saradnja na projektu Javna rasprava Lokal kroz kojim će se unaprijediti direktna komunikacije građana sa općinskim načelnikom i općinskom administracijom.

Komunikacija putem još jedne platforme, kao što je Javna rasprava Lokal doprinijet će

još boljem približavanju ove lokalne zajednice i njenog rada građanima.

Javna rasprava Lokal omogućit će građanima bolje razumijevanje propisa, materijala za sjednice općinskih vijeća, načina donošenja odluka i načina na koji građani direktno mogu učestvovati u procesima donošenja odluka, pokretanja inicijativa u svojoj lokalnoj zajednici i sl.

## PITANJA OPĆINSKOM NAČELNIKU MOŽETE POSTAVLJATI KLIKOM NA FOTOGRAFIJU



Općina Stari Grad je lider u transparentnosti u BiH s obzirom da je prethodne tri godine proglašena najotvorenijom jedinicom lokalne samouprave - prema rezultatima istraživanja Udruženja Zašto Ne. Pristupanje ovoj platformi i uključivanje u projekat samo je još jedan korak u povećanju transparentnosti i komunikacije s građanima.



POGLEDAJTE VIDEO PRILOG  
KLIKOM NA IKONICU

## Viber zajednica - novi kanal komunikacije u Općini Stari Grad

Općina Stari Grad je, putem Službe za odnose s javnošću i informacijski sistem, pokrenula novi komunikacijski kanal, Viber zajednicu (community) Općine Stari Grad. Zajednica je pokrenuta sa ciljem dodatnog unaprjeđenja komunikacije sa građanima i korisnicima administrativnih i drugih usluga Općine Stari Grad.

Viber zajednica Općine Stari Grad je aktivna i dostupna za sve građane koji žele da se priključe. Građane ćemo informisati o svim projektima, aktuelnostima i ostalim važnim informacijama iz Općine Stari Grad Sarajevo. Osim toga, prenositi ćemo informacije za javne pozive, konkurse, stipendije, djelovanje nadležnih službi i sve ono što može biti korisno.



PRIDRUŽI SE VIBER ZAJEDNICI  
KLIKOM NA IKONOCU